

## MEMORIA XUSTIFICATIVA DO ACORDO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA E A CONSELLERÍA DE EMPREGO, COMERCIO E EMIGRACIÓN PARA POTENCIAR A FORMACIÓN EN MATERIA DE TECNOLOXÍAS DE INFORMACIÓN XEOESPACIAL DENTRO DAS ACTIVIDADES DO PROXECTO 'ACELERACIÓN DE ECOSISTEMAS DE EMPRENDIMENTO E INNOVACIÓN BASEADOS EN XEMELGOS DIXITAIS' NO CONTEXTO DO PROGRAMA RETECH (REDES TERRITORIALES DE ESPECIALIZACIÓN TECNOLÓGICA) E NO MARCO DO PLAN DE RECUPERACIÓN, TRANSFORMACIÓN E RESILIENCIA - FINANCIADO POLA UNIÓN EUROPEA - NEXTGENERATION, PRTR.

A Consellería de Emprego, Comercio e Emigración é a entidade pública encargada de propoñer, deseñar, coordinar e executar directrices xerais en materia laboral, que engloban, entre ou-tras, as competencias en materia de políticas activas de emprego, emprendemento, autoemprego, re-lacións laborais, seguridade e saúde laboral, responsabilidade social corporativa e formación para o emprego, entre outras tantas funcións; en particular, o deseño, programación, e xestión de accións en materia de formación para o emprego, cualificación, e recualificación profesional ao longo da vida.

Esta Consellería, a través da Dirección Xeral de Formación e Cualificación para o Emprego, conta co Centro de Novas Tecnoloxías (en diante, CNTG) como órgano de apoio que ten como obxectivo e competencia a realización de actividades formativas e cursos técnicos especializados destinados aos profesionais do sector das TIC, a detección de tendencias tecnolóxicas que permitan ofertar actividades formativas actualizadas e adaptadas ás innovacións tecnolóxicas e ás necesidades e demanda do mercado, e a organización e o apoio loxístico para a realización de actividades, foros, e xornadas técnicas que supoñan transferencia de coñecemento para os profesionais do sector.

A Axencia para a Modernización Tecnolóxica de Galicia (Amtega) ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións. Así mesmo ten desconcentrada na persoa titular da dirección da Amtega a competencia para subscribir con entidades públicas e privadas, convenios de colaboración excluídos da lexislación de contratos do sector público.

A Xunta de Galicia, a través da Amtega, está a levar a cabo o proxecto **"Aceleración de Ecosistemas de Emprendemento e Innovación baseados en Xemelgos Dixitais"**, encadrado dentro do Programa de Redes Territoriais de Especialización Tecnolóxica (Retech) no Plan de Recuperación, Transformación y Resiliencia - financiado por la Unión Europea- Next Generation EU.

O programa Redes de Especialización Tecnolóxica Territorial (RETECH) é unha iniciativa impulsada pola Secretaría de Estado de Dixitalización e Intelixencia Artificial (SEDIA) e financiada polos Fondos Next Generation EU. Ten como obxectivo o desenvolvemento de proxectos tecnolóxicos realizados polas Comunidades Autónomas (CCAA) en diversos ámbitos de actuación, como a intelixencia artificial, as redes de emprendemento dixital e os xemelgos dixitais.

En marzo de 2023, o Consello de Ministros aprobou o RETECH IA, no que se inclúe a iniciativa Aceleración de Ecosistemas de Emprendemento e Innovación Baseados en Xemelgos Dixitais, co obxectivo de xerar ecosistemas de empresas que creen solucións IA para a xestión das infraestruturas territoriais. As comunidades participantes neste proxecto son La Rioja, Castilla- La Mancha, Extremadura, Navarra, e tamén Galicia.

Este proxecto se alinea cos obxectivos do Plan de Recuperación e, entre outros, co obxectivo de reforzar as capacidades empresariais, incluída a formación e o reciclaxe profesional.

Dentro das actividades específicas do proxecto inclúese prevése a organización e execución dun programa formativo técnico, centrado nas tecnoloxías clave para o desenvolvemento e explotación de



xemellos dixitais (IoT, Big Data, SIX, intelixencia artificial, etc.). Esta formación está dirixida a profesionais TIC, responsables públicos e outros perfís estratéxicos, e permitirá reforzar as capacidades dos axentes que interveñen na planificación e xestión territorial.

A proposta de programa formativo está aliñada cos obxectivos da Consellería polo que considera adecuada a participación neste proxecto mediante a coordinación e dinamización da execución do programa formativo.

A Amtega e a Consellería comparten os mesmos obxectivos, centrados principalmente en impulsar e fomentar formacións e coñecementos en materia de tecnoloxías da información, polo que conveñen en chegar a un acordo para colaborar conxuntamente na elaboración e execución dun programa formativo centrado nas tecnoloxías clave para o desenvolvemento e explotación de xemellos dixitais orientado a cidadanía con interese nesta materia e preferentemente aos profesionais do sector TIC en Galicia.

En base ao anteriormente exposto, ambas entidades desexan colaborar nas actividades dun programa formativo en materia de tecnoloxías para o desenvolvemento de xemellos dixitais no marco do proxecto **"Aceleración de Ecosistemas de Emprendimento e Innovación baseados en Xemellos Dixitais"**, encadrado dentro do Programa de Redes Territoriales de Especialización Tecnolóxica (Retech).

O obxecto do acordo será o de establecer as bases da colaboración entre a Consellería e a Axencia para a Modernización Tecnolóxica de Galicia (Amtega), para a execución dun programa de formación en materia de tecnoloxía para o desenvolvemento de xemellos dixitais, para a adquisición de competencias na cidadanía e en especial nos profesionais TIC, conforme aos obxectivos do proxecto proxecto **"Aceleración de Ecosistemas de Emprendimento e Innovación baseados en Xemellos Dixitais"**, encadrado dentro do Programa de Redes Territoriales de Especialización Tecnolóxica (Retech) no Plan de Recuperación, Transformación y Resiliencia - financiado por la Unión Europea- Next Generation EU. (en diante MRR)

Na súa aplicación abordarase a elaboración e execución do programa formativo cun catálogo de cursos concretos, baseados nas tendencias e necesidades do sector. A execución inclúe a posta a disposición dos contidos formativos, a coordinación das convocatorias, selección de participantes, e seguimento de execución, e impartición das actividades. No anexo I deste acordo concréntanse as actuacións incluídas.

A colaboración entre todas as partes asinantes do presente convenio suporá que cada unha delas asumirá funcións, tanto de forma conxunta como individualmente por cada entidade.

O acordo non suporá achegas económicas polas partes. Cada parte asumirá os custes das súas actividades dentro dos seus orzamentos ordinarios.

No caso da Amtega as actuacións estaran financiadas con cargo ao programa RETECH, e no marco do Plan de Recuperación, Transformación e Resiliencia – Financiado pola Unión Europea – NextGeneration, PRTR

O acordo producirá os seus efectos a partir da data da súa sinatura e a súa vixencia estenderase ata o 31 de decembro de 2026.

O Xerente da Amtega

Asdo: Jose Luis Somoza Digón.

